

Mokanda nwa Polo nwa ibale oka Batesaloniki Mapho ma etatele

O mokanda mumu, Polo akuli butolela lowo la iya sa Nkolo Yesu (kyeka mokanda nwe nwa ntubo oka Batesaloniki). Pho lowo me labaka lotungyisa bato ba Tesaloniki.

- Bakyi onte ya bee babaka bawo bekye mokolo me mokomi phenephe (2.2). Polo kambe baimola bobo: Yambo ya obokye Nkolo Yesu aye na nkyemo, esengyesi obokye «Mooti» amiweninya, Zabulu owamoluka ibungya bato ba Nwaphongo na iikyela Nkolo ziko (2.1-12). Yango mena Polo kaongye na baanosi baphile Simo Elaa nzii, bee saphembe na ibondela (2.13-3.5)

- Baanosi bayoko balenye ikyela etoma pho nde ya iziya suka ya mokyisi, emba bambaka butwa nde iza ntoma ya bato basuu. Polo katomisa bato baa bokoo obokye babengye mobesi nwa baamiambya o etoma. Pho bee mampenza bakokye imibikya. «Moto ootozingye ikyela etoma, yo samba na za» (3.10).

Mapho mali o mokanda mumu:

- 2 Batesaloniki 1.1-2: Ibeya
- 2 Batesaloniki 1.3-4; 11-12: Polo kabondela Nwaphongo pho ya bato ba Tesaloniki
- 2 Batesaloniki 1.5-10; 2.1-12: Mateya pho ya iya sa Nkolo Yesu Klisto

- 2 Batesaloniki 2.13-3.15: Mateya pho ya mobesi mobongyi na moanosi
- 2 Batesaloniki 3.16-18: Ndongolo

Ibeya

¹ Inga Polo, Silive na Timote tokomele ingomba sa Tesaloniki siili onte ya Tata Nwaphongo na Nkolo wa banga Yesu Klisto.

² Le obokye ngolu na bose ikyiute oka Nwaphongo Tata na Nkolo Yesu Klisto ifee na b̄εε.

Nwaphongo amosambisa bato mokolo nwa moya Nkolo Yesu

³ Bande, tosengyesi iphe Nwaphongo melesi imbele siso pho ya b̄εε, embi ba nde bomo, pho ianola sa b̄εε sikole na bokusi, na lozingo loli na b̄εε onte ya b̄εε, lokole onte ya monomo na monomo na b̄εε baso.

⁴ Yango mena banga tomiphambe na b̄εε onte ya mangomba ma Nwaphongo, pho ya ikanga sa b̄εε sa motema na ianola sa b̄εε onte ya minyoko miso na bimekyi bizwe b̄εε.

⁵ Iso miina ili elembo ya bolombe pha bosembo pha Nwaphongo, ntina me eli ya iyebuya bato baalongoba pho ya Bokonzi pha Nwaphongo bookyele b̄εε bolosi.

⁶ Yango mena, Nwaphongo na bolombe phe amoenza mabeku oka bato baenyokolo.

⁷ Emba amoephe b̄εε banyokolo be, iyema na banga elele yonyo, imbele saa mowenene Nkolo Yesu, owamouta o ikolo na banze b̄εε ba mwiya.

⁸ Amoya onte ya itumbu sa ηwenya, pho ya iya phe etumbu oka bato baate baebe Nwaphongo na baate bakuummole Simo Elaa ya Nkolo wa banga Yesu.

⁹ Etumbu ya bée yamoba iwa sa bobele na bobele, itakye na boo pha Nkolo na ná nkyemo ya bokonzi phe.

¹⁰ Imbele sa moya yo, mokolo me, basantu bée baamophe nkyemo na bato baso baanola Nwaphongo baamosamba. Emba bée baanola simo eyaeyimolaka banga wamoba o motango ηwa be.

¹¹ Kyeka ntina ekye bondele banga imbele sisō pho ya bée, pho Nwaphongo wa banga awene obokye olongoba na mbela eya ebanga yo, obokye na mwiya nwe, akyele obokye okokya bolaa bosō bozingye yo ambe na buya ianola sa bée sibe na bitoma.

¹² Na bomōo nkombo ya Nkolo wa banga Yesu yamoba na kyemo onte ya bée, emba bée onte ye, pho ya ngolu ya Nwaphongo wa banga ná ya Nkolo Yesu Klisto.

2

Yaamoya o boo pha iya sa Nkolo

¹ Bande, pho ya lowo lokyekyi iyaa sa Nkolo wa banga Yesu Klisto na pho ya iyangana sa banga phenephe ne, toongye na bée obokye:

² Saoto maumunya ma bée izele na sa lota pho ya iwene sa baimosi, pho ya lloba na pho ya mokanda monomo baiteye ndokolo yiuti na

ƒanga, yamba ekyela ofokye oanole ofokye mokolo nwa Nkolo mokomi.

³ Moto saekatela naa na ndengye iye. Pho oboo pha ofokye mokolo mamuna mokokye, ƒato ƒaikye ƒamole Nwaphongo emba na moto mofe amiweninya. Moto me eli yo moto wa mophe yo etumbu.

⁴ Iyo amotemele iso ikyi ƒangye ƒee manzambe na iso ikyi kumole ƒe, amokoma nono ikye zala o Ingambi sinene sa Nwaphongo pho ya iwo yokye ali Nwaphongo.

⁵ Tokuli na eba ofokye naewolekye maphoo mamana wataka nga ƒa oka ƒee?

⁶ Emba inwanwa eye, ƒee kofe ekpele ekye-mozimbe pho ya ofokye amiweninya nde o imbele se.

⁷ Pho sekyele ya ikyela ƒofe kyekyele lolo etoma, esengyesi nde imanya okoezimbe unwanwa eye.

⁸ Emba moto mofe aamiweninya, Nkolo Yesu amba mooto na muwe nwa munoko nwe emba aamounva na mwiya nwa iya se.

⁹ Waamoya moto o mofe na mwiya nwa Molemba, amiweninya na bitoma bikusi ndengye na ndengye, na bilekyesako, na mayaa ƒaƒole.

¹⁰ Naa na malondo maso matemali na bosembo pho ya ikatela ƒato ƒamobunga, pho tebaika yamba lozingo la bosembo lokokakyi ifabikya.

¹¹ Yango mena, Nwaphongo kabatomele mwiya mwa ifabungya, mokyete ofokye ƒaanole maphoo ma ƒole,

¹² pho ya ofokye ƒa phe etumbu ƒato ƒaso

baale ianola maphoo maa phele kasi bawene bolaa nde o ikyela maphoo matemali ma bosembo.

Nwaphongo aloolo pho tobikye

¹³ Kasi pho ya banga, bande ba lozingo la Nkolo, toengyesi iphe Nwaphongo melesi imbelele sisoo pho ya b̄ēe, pho Nwaphongo aeyolo tata etatele pho obikye na nzela ya Bolobolo boemanya masumu, na ná ianola sa b̄ēe sa maphoo ma phele.

¹⁴ Nwaphongo aebanga pho ya izwa ifikiyi na nzela ya Simo Elaa eya imola banga pho ya obokye ozwe nkyemo na Nkolo wa banga Yesu Klisto.

¹⁵ Yango mena, bebi, phila na bolaa ombe na banza na bokusi mateya maso maeteyaka banga, na nwesi ikolo naa na mokanda.

¹⁶ Le obokye Nkolo wa banga Yesu Klisto yo mampenza na Nwaphongo Ango wa banga owalozinga na owalophe na ngolu ye, nbondi sa bobele na bobele na molemo moolaa,

¹⁷ baebondoo, bambe naekuya o maphoo maso malaa makyele b̄ēe na maawo b̄ēe.

3

Bondela pho ya banga

¹ Pho ya isokya, bande, bondela pho ya banga, pho ya obokye iloba sa Nkolo sikyende o boo izele emba bato basikumole bookokyele b̄ēe me.

² Bondela na pho ya banga obokye tomane o nsee ya bato baa yoo na ya banguna: Pho baso tebali na ianola.

³ Nkolo yo ookokokya iso ikiyiwɔ yo: Amoekuya, amba na ebanza phɔ Munguna saekyela bofe.

⁴ Phɔ ya bɛɛ, toli na ianola na nkombo ya Nkolo obokye ikiyiwɔ banga na bɛɛ, koikyele, wamba na ikala nde ikyela.

⁵ Le obokye Nkolo akambe mandondo ma bɛɛ phɔ ya izinga Nwaphongo na ná iititala ya Klisto.

Moto munsɔ aengyesi ikyela etoma

⁶ Bande, towɔ na bɛɛ o nkombo ya Nkolo Yesu Klisto obokye: Obe itakye na nwebi munsɔ owa bokɔɔ na otookye mateya maeteya banga.

⁷ Bɛɛ mampenza koefe ndengye'ye esengyesi bɛɛ ikyela phɔ ya ibenga matambe ma banga. Waba banga onte ya bɛɛ, toloika ba bato ba bokɔɔ.

⁸ Toloika onga na moto ipa sa iza, kasi onte ya minyɔko na iphɛmbɛ, na moo na mokolo, tokyelaka etoma phɔ banga sabaa ephesi ya monɔmɔ na bɛɛ.

⁹ Nde phele, tokokaka iyeyonga, kasi tozingaka ibaa ndakyisa ya imekola phɔ ya bɛɛ.

¹⁰ Kasi waabaka banga oka bɛɛ, toephɛkye mobeko mumu: Bo moto tazingye ikyela etoma, yo samba na zaa!

¹¹ Emba tookye bawɔ obokye wali onte ya bɛɛ bato ba bokɔɔ, tebakyele ekpele kasi banyɔlo nde o maphɔɔ ma bato.

¹² Towɔ na bato baabana, tombe na balenza na nkombo ya Nkolo Yesu Klisto obokye: Bakyele etoma ya bɛɛ bose emba bazee ipa siizwe bɛɛ mampenza.

¹³ Phɔ ya bɛɛ, bānde, bɛɛ saotwa ikyela bolaa.

¹⁴ Bo moto tatosee ikyiewɔɛ banga o mokanda mumu, okyebe ne, bɛɛ sakula ba ne phɔ aokye sɔɔ.

¹⁵ Samba mokpa ndokolo mbomi, kasi omooya bo ookooya bɛɛ nwɛbi.

Mapambosi na ibeya sa suka

¹⁶ Le obokye Nkolo owa bose aephe yo mampenza bose nkolo iso na ndengye iso. Nkolo abe na bɛɛ basɔ.

¹⁷ Eli nga mampenza Polo oekomesi munkanda mumu na ebɔko ya nga mampenza na oebeye. Mena eli elembetele ekyekyele nga o nkanda ya nga. Eli mokomesi nwa nga.

¹⁸ Le obokye ngolu ya Nkolo wa banga Yesu Klisto ebe na bɛɛ basɔ.

Lobala NT

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563